

活人慈航

悶眩暈猝厥嘔逆淋閉狂躁見紅等病由是來矣古人雖  
分肝風肝氣肝火之殊其實是一源體過鬱者宜辛宜  
涼乘勢達之為安過升者宜柔宜降緩其旋擾為先自竭  
者全屬乎虛常培其子母之臟至於犯上侮中乘下諸累  
散見各門此輩論肝

醫通按脉法云浮而洪大實為火沈而實大為實火其說似  
是而實絀繆火性燔烈抑之則空雖有虛實之分絕無沈  
實之脉詳內經二火五火之說無不本諸三焦三焦配合  
心主代心司化育之令即謂之君而命門獨操其權故謂  
之相若相火妄臨五位則為五志之火其實一氣之亢初  
無彼此但以洪盛滿指者為實火或炎上膈即為心肺之  
火或迫中宮即為脾胃之火或結下焦即為小腸膀胱之  
火分其部位以推之隨其微甚而調之若弦細而數按之

益聖為少火。氣衰而見肝腎真脈。非火使然。夫下焦之火。龍火也。水盛則蟄藏不見。其脈自平。今弦細且數。乃冰雪陰凌之象。虛勞見此。最為劇候。或反虛大數疾。為食氣之火。耗竭真陰。虛陽飛越之兆。久病得此。百不一生。惟暴脫元氣者。猶可峻補以斂固之。大抵火症之脈。但有虛大按之必空。斷無實大之理。其火鬱中焦。惡寒戰慄。則有六脈小匿者。此火氣鬱伏。灰燼不得發光。舒焰反兼寒水勝已之化也。熱結胃口。欬吐結痰。亦有寸口滑實者。熱遺下焦。淋濁溺痛。多有尺內洪滑者。皆胃中溼濁上逆下滲之候。終與火無預也。當知火盛之脈。浮取雖洪。盛滑疾中按則軟澀不堅。重按則豁然中空。尋之脈見指傍。舉指澀澀然。方是無形之火象。若中宮有物阻礙。則關止上屈曲而出。膈上有痰凝滯。則寸口屈曲而上。總謂之鉤。如無礙則無

屈曲之象矣。若洪盛而中按重按益實。指下累累如循貫珠。薏苡子狀者。皆有形之溼熱。蘊積於經脈之中。不當於火門求治也。

方

紫雪丹局方治脚氣瘴毒內外熱熾狂越躁亂心腹疼痛口舌生瘡一切實火閉結諸藥不效者  
黃金<sup>十兩</sup>用水三斗先煮一斗旋添煮至一斗為度去金取汁煮下項藥

石膏

寒水石

磁石

滑石各五兩

四味搗入前汁中煮至五升入下項藥

烏犀角

羚羊角

青木香

沈香各五錢

黑參

升麻各二兩六錢

生甘八錢

丁香一錢

八味切片入前汁中煮取一升五合去渣入下項藥

芒消二兩 焰消三兩

二味入煎藥汁中微火煎，柳木槌攪不住手，候有七合半，投在水盆中，半日欲凝，入下項藥。

硃砂水飛五錢 真射香一錢二分 研

二味入煎藥中攪勻，勿見火寒之二日，凝結成霜，紫色鉛罐收貯，每服一分至二分，冷水或薄荷湯調服。

碧雪丹局方 治一切積熱，咽喉腫痛，口舌生瘡，心中煩躁，嘔

物妨悶，或喉閉塞，壅水漿不下，天行時疫，發狂昏憤，并治

石膏煨飛 朴消 火消 青黛 甘草等分

先煎甘草去渣，入諸藥，令消熔得所，入青黛，傾入砂盆內，候凝成霜。

朴消煎千金 治服石藥成消瘰大渴者

朴消三兩 石膏二兩碎 研盤粒 水煎微火候，其上有漠起。

以箸投中着箸如凌雪凝白急瀉下去石膏貯盆中待凝  
晒乾積熱困悶不已者以方寸匙白蜜和服 按朴消用

甘草煎元明粉治同

瀉陰火升陽湯東垣治火鬱發熱

黃芪 人參 炙甘 羌活 蒼朮 各二錢

黃芩 七分 黃連 五分 石膏 長夏微用過時去之 柴胡 錢半

升麻 八分

升陽散火湯 治胃虛過食寒物抑遏陽氣於脾土中畏寒

發熱火鬱則發之也

柴胡 升麻 乾葛 羌活 獨活 各小

防風 甘草 各二小 人參 白芍 五分 薑棗

火鬱湯 治火鬱不舒凜凜惡寒不止集解云火鬱內熱外

寒脉沈而數火鬱無炎故外寒沈為裏沈數裏熱

升麻 乾葛 白芍 炙甘 柴胡 防風各錢 葱白三寸

冲和順氣湯 治內傷脾氣惡寒發熱食少便溏

升麻 葛根 白芍 炙甘 人參 白朮 羌活

防風 蒼朮 生薑 大棗

升陽補氣湯 治胃氣不足脾氣下溜氣短無力不時發熱

早飯後煩悶須要眠睡五心煩熱

升麻 白芍 炙甘 羌活 獨活 防風 柴胡

厚朴 澤瀉 生薑 大棗

退熱湯 治表中虛熱遇夜則甚

黃芪一錢 當歸三分 生地五分 白芍五分 生甘五分 柴胡一錢 蒼朮五分

升麻三分 黃連三分 黃芩五分 骨皮五分

痰火

朱仁甫云病痰火者或吐血或衄血或喉痛身熱溺黃皆熱

症也。庸醫妄投苦寒瀉火之劑，不知苦寒能瀉脾胃。脾胃土也，乃人身之本也。今火病而瀉其土，火未常除而土已病矣。土病則胃虛，因而飲食減少，甚至泄瀉，肌肉消瘦，不可救藥矣。世俗謂病痰火者，服童便最好。余治痰火，每禁服童便，蓋童便降火雖速而損胃多矣。故治火病以理脾為主，此真訣也。

醫通云：所謂痰者，精髓枯涸於下，痰火憑陵於上，有形之痰無形之火，交固於中。良由勞思傷神，嗜慾傷精，加以飲食不節，血肉之味蘊釀為痰，為火變動為欬，為喘，其在平居無恙之時，貯積窠囊之中，或時有所觸發，則衝膈透膜，與朝宗之汎濫無異。此則內外合邪，二難分解。溫之燥之，升之攝之，咸非所宜。觸發亦多端，治非一律。今立玉竹飲一方，為是症之專藥。臨症以意增減，須知治痰先治火，治火

先養陰此為治痰治火之的訣

按二公之言旨哉凡陰精不足者補之以味此症有日食肉  
臑其陰未常見有增填何況草木滋滯之品能加於天產  
動物乎思惟甘平以補脾陰使飲食生精生血即內經調  
以甘藥是也飲食運化穀肉之味皆能補陰補精比草木  
之氣味更速矣甘平補脾陰之藥如淮山扁豆仁米連子  
茨實玉竹沙參甘草芝蔴大棗為末服日服二次痰多加  
茯苓陳皮乾咳無痰佐以蜜棗膏身有寒熱佐以秦艽鱉  
甲散欬嗽痰血佐雞蘓丸咽喉痛佐利膈散

丹溪云人得瀉脉痰飲膠固脉道阻滯卒難得開必費調理

痰火之脉必數

忌細瀉極虛弦緊

按脉來細數即醫通所謂肝腎真臟脉宜補脾陰  
脉或肝腎脉洪大即陰虛火盛宜大補陰丸屢效

二尺

方

玉竹飲子 醫通

玉竹 三錢 茯苓 甘草 桔梗 陳皮 各錢 紫苑 二錢

川貝 錢半 白蜜 二匙 阿膠 一兩

利膈散 本事

薄荷 荊芥 防風 桔梗 牛子 甘草 僵蚕

人參 等分為末

蜜棗膏 即蜜脂膏或用瓊玉膏亦可

中風

脉法 中風浮緩急實則忌浮滑中痰沈遲中氣

俞嘉言云中風之脉必有所兼兼寒則浮緊兼風則浮緩兼

熱則浮數兼痰則浮滑兼氣則浮濇兼火則洪大兼陽虛

則脉微兼陰虛則脉細遲緩為榮衛衰

準繩云風邪中人六脉多沈伏亦有脉隨氣奔指下洪盛者  
浮遲吉堅大急疾凶 脉沈遲沈數沈緊皆為氣中 滑  
為痰或浮滑或沈滑皆為痰

陳修園云中風脉喜浮大浮者邪尚在腑也大者風為陽邪  
陽症見陽脉也若浮大鼓指為邪盛正衰 中風脉忌沈  
小沈小者邪入臟也若沈小氣度和緩來去分明乃是吉  
兆

歌括云亦有寸口脉平而死者生氣獨絕於內也必見死症  
中風脉絕不至者死脉一息雖七八至不太不小者可  
治或大或小皆不治

中風死症舊說口開心絕眼合肝絕手撒脾絕鼾聲肺絕遺  
尿腎絕皆為不治症然五脫症不全見者速用參附大劑  
半日三服亦有生者 中人髮直如蘇吐清沫搖頭上竄

痰如拽鋸汗出如珠面赤如妝或頭面赤黑氣喘皆不可  
治 治中風卒厥諸中或未病或已甦或初病或久病若  
有吐出紫紅色者不治

中風喎僻不遂肌膚不仁邪入絡也喎僻不遂脊重不伸邪  
入經也喎僻不遂不知人事邪入腑也喎僻不遂舌強難  
言邪入臟也

中風卒然仆倒不知人事或痰涎壅塞咽喉痰聲或口眼喎  
斜手足癱瘓或半身不遂或六脉沈伏或指下洪盛者并  
用香油生姜汁調蘇合香丸灌之如口禁不開用竹管吹  
藥入鼻孔內至喉間其禁立開或用通關散吹鼻取嚏若  
痰涎壅甚者宜吐之稀涎散五分重者三字溫水灌下不  
大嘔吐但微微令涎自口角流出自甦 此中風閉症亦  
曰中臟

中風口不能言神氣昏亂半身不遂筋急拘攣口眼喎斜語  
言蹇澀外有六經之形症宜小續命湯 此中經有六經  
之形病

中府內有便溺之阻隔宜三化湯或防風通聖散 此風挾  
熱也 中府多兼中臟不知人事

中血脉外無六經之形症內無便溺之阻隔知為血弱不能  
養筋故手足不能運動舌強不能言語宜大秦朮湯養血  
而筋自榮 凡神識昏蒙不知人事不能言語是痰火閉  
竅宜滌痰湯調牛黃九人事清楚不能言語是舌強宜大  
秦朮湯或資壽解語湯 中風不能言脉遲弱宜黃芪防  
風各一兩水煎服

治風有解表攻裏行中道三法若內外症俱有宜先解表而  
後攻裏內外症已除當服大秦朮湯及侯氏黑散久服大

風盡去

治病之法不可失於通利或一氣微汗或一旬

之通利如此乃常治之法

偏枯身偏不用而痛言不變志不亂病在分腠之間宜小續

命湯虛者宜黃芪五物湯

風痺痺之為病身無痛四肢不收志亂不甚其言微知可治

甚則不能言不可治 河間舌瘖不能言足痿不能用此

腎虛不能至舌也名曰瘖痺宜地黃飲子

中風痰涎上壅昏冒不識人事不能言喎斜偏廢宜牛黃丸

中臟昏冒痰壅不識人事有兼脫症者宜三生飲倍人參

此風挾寒 中風最要分別閉與脫二症明白如昏冒痰

壅牙關緊閉二手握固即是閉症宜通關散稀涎散蘇合

香丸牛黃丸以開其關竅若更見口開眼合手撒鼾聲遺

尿以及吐沫直視髮直搖頭面赤如妝汗出如珠等絕症

速用三生飲配人參或參附湯陳修園用附子一兩乾薑五錢炙甘草三錢必須半日服三貼

歌括云痰火內發病心宮痰火內發必有先兆未病前即有神短忽忽言語失常上盛下虛頭眩脚軟等症皆痰火將發也宜清熱化痰湯 中風痰迷心竅舌強不能言宜滌痰湯調牛黃丸服 二便秘赤亦可滾痰丸下之 此風挾痰

歌括云風從外來傷肢體風病之來必有先兆或手足無力或言語難出或肌肉微掣或不仁或不用此風病之將來也宜大秦芩湯 此風病之正方

指南云中風症有肢體緩縱不收者皆屬陽明氣虛當用人參附子黃芪炙甘之類若短縮牽引則以逐邪為急

中風脉沈氣逆半身不遂口眼喎斜可先服烏藥順氣散以

順其氣 此風挾氣

戴復菴云治風之法初得之即當順氣及其久也即當養血若不順氣遽用烏附若不活血遽用羌防天麻輩未見其能治也

準繩云卒仆偏枯雖有多因未有不因真氣不週而病者故黃芪為必用之藥以為君防風必用之臣藥助真氣而治風也佐以生薑汁秦艽竹瀝生姜汁人乳生地汁每治此症用諸汁以收奇功為其行經絡滲分肉捷於湯散也金匱侯氏黑散風引二方前賢極言有補天之力取其驅風以填竅凡中風前後并可兼服。

類中

類中者卒然昏仆不知人事似乎中風即卒厥卒中暴死也昏迷不知人事或至半日遠至一日乃知人但中風則有

口眼喎斜半身不遂類中卒厥即無此症以此分辨

金匱問曰厥氣入臟即死入腑則生此為卒厥何謂也師曰  
脣口青身冷為入臟即死如身和汗自出為入腑即愈

類中八種

尸厥暴死口禁氣絕不知人事脉猶如常而動是也宜吹通

關散灸厲兌穴各三壯

在足大指次指之端去爪甲角如四文者韭菜許  
內側胃陽明經之脉

服千金還魂湯一切暴厥卒死仆倒不知人事牙關緊

急痰涎上湧喉間湯藥不能下者歌括用奪命丹以吐下

其痰

已豆仁白芷半夏等藥南星  
俱生用為末三四大豆許湯下

一切暴厥中惡客忤心腹脹滿卒

痛如錐刺氣急口禁停尸卒死者宜備急丹大豆許三四

丸不瘥更三丸研湯灌之口禁即研湯從鼻孔吹入喉中

吐下便瘥

已豆仁生乾姜大黃  
研末蜜丸豆大

中惡忽然手足逆冷肌膚粟起頭面口脣青黑精神不守或